

52

Na osnovu odredbi članova 16. i 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta Bosne i Hercegovine”, brojevi: 22/18, 49/18, 8/19, 10/19 i 32/19), i člana 1. Zaključka Vlade Brčko distrikta Bosne i Hercegovine, broj: 02-000049/19 od 24. 12. 2019. godine, a s ciljem omogućavanja prevazilaženja određenih problema u privredi, uzrokovanih potpunom obustavom saobraćaja za teretna motorna vozila i autobuse na saobraćajnicama prema i od mosta (graničnog prelaza Brčko – Gunja), na prijedlog šefa Inspektorata, gradonačelnik Brčko distrikta Bosne i Hercegovine d o n o s i

ODLUKU

**O ODLAGANJU PRIMJENE ODLUKE O USVAJANJU
CJENOVNIKA VISINE NAKNADE ZA IZVRŠENE
ZDRAVSTVENE PREGLEDE POŠILJAKA BILJA,
SREDSTAVA ZA ZAŠTITU BILJA I MINERALNIH ĐUBRIVA
U PROMETU PREKO GRANICE BRČKO DISTRIKTA BiH**

Član 1.

Odlaze se primjena Odluke o usvajanju cjenovnika visine naknade za izvršene zdravstvene preglede pošiljaka bilja, sredstava za zaštitu bilja i mineralnih đubriva u prometu preko granice Brčko distrikta BiH („Službeni glasnik Brčko distrikta Bosne i Hercegovine”, broj 24/04) u periodu od 1. 1. 2020. do 31. 12. 2020. godine, za sve pošiljke koje se uvoze.

Član 2.

Za realizaciju ove odluke zadužuje se Ured gradonačelnika Brčko distrikta Bosne i Hercegovine – Inspektorat.

Član 3.

Ova odluka stupa na snagu danom donošenja i objavljuje se u „Službenom glasniku Brčko distrikta Bosne i Hercegovine”.

Broj predmeta: 02-000049/19
Broj akta: 01.1-1141SM-014/19
Datum, 24.12.2019. godine
Mjesto, Brčko distrikt BiH

GRADONAČELNIK
Mr. sc. Siniša Milić, s. r

53

Pravosudna komisija Brčko distrikta BiH, na osnovu odredbe člana 14 stava 1 tačke n) Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br.: 19/07, 20/07 i 02/08) i odredbe člana 11 stava 3 Zakona o zaštiti ličnih podataka (Službeni glasnik BiH, brojevi 49/06, 76/11 i 89/11), na 211. redovnoj sjednici održanoj 20. 12. 2019. godine, donosi sljedeći

**PRAVILNIK
O PROVOĐENJU ZAKONA O ZAŠTITI
LIČNIH PODATAKA U PRAVOSUDNOJ KOMISIJI
BRČKO DISTRIKTA BiH**

DIO PRVI – OPŠTE ODREDBE**Član 1****(Predmet Pravilnika)**

Ovim pravilnikom uređuju se provođenje Zakona o zaštiti ličnih podataka (Službeni glasnik BiH, brojevi 49/06, 76/11 i 89/11 – u daljnjem tekstu: Zakon), u Pravosudnoj komisiji Brčko distrikta BiH (u daljnjem tekstu: Komisija), odnosno zaštita ličnih podataka, te uslovi i način njihovog prikupljanja, obrade i objavljivanja, saglasno Zakonu.

Član 2**(Slučajno prikupljeni podaci)**

Na lične podatke koji budu prikupljeni slučajno, ne primjenjuju se odredbe ovog pravilnika, kao ni Zakona, ali se isti neće dalje obrađivati niti objavljivati suprotno Zakonu, odnosno ovom pravilniku.

DIO DRUGI – ZBIRKE LIČNIH PODATAKA**Član 3****(Zbirke ličnih podataka)**

Pravosudna komisija Brčko distrikta BiH vodi sljedeće zbirke ličnih podataka:

- Evidencija o videonadzoru – vodi se na osnovu Odluke Pravosudne komisije Brčko distrikta BiH broj: SuPK-871/14 od 27. 10. 2014. godine;
- Evidencija o pruženim asistencijama – vodi se na osnovu Zakona o Sudskoj policiji Brčko distrikta BiH (Službeni glasnik Brčko distrikta BiH, br.: 42/02, 19/07, 2/08, 31/11 i 48/11);
- Evidencija o povjerenicima koji vrše neposredan nadzor nad licima kojima je izrečena krivičnopravna sankcija – rad za opšte dobro na slobodi – vodi se na osnovu odredbe člana 60 Zakona o izvršenju krivičnih sankcija, pritvora i drugih mjera u Brčko distriktu BiH (Službeni glasnik Brčko distrikta BiH, br. 31/11), odredbe članova 18 i 34 Pravilnika o vrsti i uslovima rada za opšte dobro na slobodi (Službeni glasnik Brčko distrikta BiH, br. 04/12) i Pravilnika o izboru, načinu rada, odgovornosti, obučavanju i evidenciji povjerenika za vršenje rada za opšte dobro na slobodi, broj: SuPK-1230/12 od 29. 10. 2012. godine;
- Evidencija o sprovođenju u kazneno-popravni zavod – vodi se na osnovu Zakona o Sudskoj policiji Brčko distrikta BiH (Službeni glasnik Brčko distrikta BiH, br. 42/02, 19/07, 2/08, 31/11 i 48/11);
- Evidencija o licima kojima je izrečena krivičnopravna sankcija rad za opšte dobro na slobodi - vodi se na osnovu odredbe člana 60 Zakona o izvršenju krivičnih sankcija, pritvora i drugih mjera u Brčko distriktu BiH (Službeni glasnik Brčko distrikta BiH, br. 31/11), odredbe članova 18 i 34 Pravilnika o vrsti i uslovima rada za opšte dobro na slobodi (Službeni glasnik Brčko distrikta BiH, br. 04/12) i Pravilnika o izboru, načinu rada, odgovornosti, obučavanju i evidenciji povjerenika za vršenje rada za opšte dobro na slobodi, broj: SuPK-1230/12 od 29. 10. 2012. godine;
- Evidencija kandidatima upisanim na listu stalnih sudskih tumača u Brčko distriktu BiH – vodi se na osnovu odredbe člana 14 stava 1 tačke o) Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br. 19/07, 20/07 i 02/08) i Pravilnika o uslovima, načinu i postupku upisa na listu stalnih sudskih tumača u Brčko distriktu BiH (Službeni glasnik Brčko distrikta BiH, broj 36/16);
- Evidencija kandidatima upisanim na listu stalnih sudskih vještaka u Brčko distriktu BiH – vodi se na osnovu odredbe člana 14 stava 1 tačke o) Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br. 19/07, 20/07 i 02/08) i Pravilnika o uslovima, načinu i postupku upisa na listu stalnih sudskih vještaka u Brčko distriktu BiH (Službeni glasnik Brčko distrikta BiH, brojevi: 36/16, i 50/18);
- Evidencija o dovođenju iz kazneno-popravnih zavoda – vodi se na osnovu Zakona o Sudskoj policiji Brčko distrikta BiH (Službeni glasnik Brčko distrikta BiH, br. 42/02, 19/07, 2/08, 31/11 i 48/11);
- Evidencija o dovođenju s adrese - vodi se na osnovu Zakona o Sudskoj policiji Brčko distrikta BiH (Službeni glasnik Brčko distrikta BiH, br. 42/02, 19/07, 2/08, 31/11 i 48/11);
- Personalna evidencija – vodi se na osnovu člana 118 Zakona o službenicima i namještenicima u pravosuđu Brčko distrikta BiH (Službeni glasnik Brčko distrikta BiH, br. 48/18, 1/19) i Pravilnika o sadržaju i načinu vođenja personalne evidencije u pravosuđu Brčko distrikta BiH (Službeni glasnik Brčko distrikta BiH, br. 12/19);
- Evidencija o uvidu u personalni dosje zaposlenika – vodi se na osnovu člana 10 Pravilnika o sadržaju i načinu vođenja personalne evidencije u pravosuđu Brčko distrikta BiH (Službeni glasnik Brčko distrikta BiH, br. 12/19);

- l) Evidencija o angažovanim izvršiocima za obavljanje privremenih i povremenih poslova – vodi se na osnovu člana 11 Pravilnika o sadržaju i načinu vođenja personalne evidencije u pravosuđu Brčko distrikta BiH (Službeni glasnik Brčko distrikta BiH, br. 12/19);
- m) Evidencija o angažovanim volonterima – vodi se na osnovu člana 12 Pravilnika o sadržaju i načinu vođenja personalne evidencije u pravosuđu Brčko distrikta BiH (Službeni glasnik Brčko distrikta BiH, br. 12/19);
- n) Registar testamenata i drugih nasljednopravnih poslova – vodi se na osnovu člana 128 Zakona o nasljeđivanju Brčko distrikta BiH (Službeni glasnik Brčko distrikta BiH, br. 36/17), Pravilnika o načinu vođenja registra testamenata i drugih nasljednopravnih poslova (Službeni glasnik Brčko distrikta BiH, br. 13/18) i Uputstva o primjeni pravilnika o načinu vođenja registra testamenata i drugih nasljednopravnih poslova (Službeni glasnik Brčko distrikta BiH, br. 19/18);
- o) Evidencija o izdatim službenim legitimacijama za sudije Apelacionog suda Brčko distrikta BiH i sudije Osnovnog suda Brčko distrikta BiH – vodi se na osnovu člana 7 Odluke o obrascu i izgledu službene legitimacije za sudije Brčko distrikta BiH (Službeni glasnik Brčko distrikta BiH, 40/17).

Član 4 (Namjena)

- (1) Komisija prikuplja i obrađuje lične podatke na zakonit i pravičan način, radi izvršavanja svojih zakonskih nadležnosti i u onoj mjeri i obimu koji je propisan važećim propisima, odnosno koji proizilazi iz važećih propisa i u kojoj je to neophodno radi izvršavanja poslova iz svoje nadležnosti.
- (2) Prikupljeni lični podaci se ažuriraju i ispravljaju prema potrebi kako bi se obezbijedila njihova tačnost, a lični podaci za čije je čuvanje posebnim propisom ili opštim aktom utvrđen rok, se brišu istekom tog roka.
- (3) Lični podaci se čuvaju u onoj formi koja je najpogodnija za svrhu za koju se prikupljaju i obrađuju, a lični podaci koji su prikupljeni u različite svrhe se ne objedinjuju i ne kombinuju (spajaju), osim ako bi propuštanje objedinjavanja odnosno spajanja dovelo do kršenja propisa.

Član 5 (Svrha obrade)

Svrha obrade ličnih podataka sadržanih u zbirkama ličnih podataka iz člana 3 ovog pravilnika proizilazi iz zakona i podzakonskih akata koji predstavljaju pravni osnov za njihovu obradu:

- a) Evidencija o videonadzoru – svrha ove evidencije je bezbjednost lica i imovine, kontrola ulaska i izlaska iz službenih prostorija i otklanjanje opasnosti po zaposlene u pravosudnim institucijama Brčko distrikta BiH – Apelacioni sud, Osnovni sud, Tužilaštvo, Pravobranilaštvo, Kancelarija za pravnu pomoć i Pravosudna komisija;
- b) Evidencija o pruženim asistencijama – svrha ove evidencije je vođenje uredne evidencije obavljanja operativnih radnji, dokaza osnova postupanja Sudske policije Brčko distrikta BiH u skladu sa zakonom;
- c) Evidencija o povjerenicima koji vrše neposredan nadzor nad licima kojima je izrečena krivičnopravna sankcija – rad za opšte dobro na slobodi – svrha ove evidencije je izvršenje odluke suda kojom je izrečena krivična sankcija – rad za opšte dobro na slobodi;
- d) Evidencija o sprovođenju u kazneno-popravni zavod – svrha ove evidencije je vođenje uredne evidencije obavljanja operativnih radnji, dokaza osnova postupanja Sudske policije Brčko distrikta BiH u skladu sa zakonom;
- e) Evidencija o licima kojima je izrečena krivičnopravna sankcija rad za opšte dobro na slobodi – svrha ove evidencije je izvršenje odluke suda kojom je izrečena krivična sankcija – rad za opšte dobro na slobodi;
- f) Evidencija kandidatima upisanim na listu stalnih sudskih tumača u Brčko distriktu BiH – svrha ove evidencije je utvrđivanje ispunjenosti uslova zainteresovanih kandidata za upis na listu stalnih sudskih tumača u Brčko distriktu BiH;

- g) Evidencija kandidatima upisanim na listu stalnih sudskih vještaka u Brčko distriktu BiH – svrha ove evidencije je utvrđivanje ispunjenosti uslova zainteresovanih kandidata za upis na listu stalnih sudskih vještaka u Brčko distriktu BiH;
- h) Evidencija o dovođenju iz kazneno-popravnih zavoda – svrha ove evidencije je vođenje uredne evidencije obavljanja operativnih radnji, dokaza osnova postupanja Sudske policije Brčko distrikta BiH u skladu sa zakonom;
- i) Evidencija o dovođenju s adrese – svrha ove evidencije je vođenje uredne evidencije obavljanja operativnih radnji, dokaza osnova postupanja Sudske policije Brčko distrikta BiH u skladu sa zakonom;
- j) Personalna evidencija – svrha ove evidencije je vođenje uredne evidencije o svim podacima i ispravama koji su sastavni dio personalnog dosjea svih zaposlenih u pravosuđu Brčko distrikta BiH, odnosno nosilaca sudske i tužilačke funkcije u Distriktu, nosilaca pravobranilačke funkcije u Distriktu, kao i svih službenika i namještenika zaposlenih u pravosudnim institucijama Brčko distrikta BiH;
- k) Evidencija o uvidu u personalni dosje zaposlenika - svrha ove evidencije je vođenje uredne evidencije o licima koja su vršila uvid u personalni dosje zaposlenih;
- l) Evidencija o angažovanim izvršiocima za obavljanje privremenih i povremenih poslova – svrha ove evidencije je vođenje uredne evidencije o angažovanim izvršiocima za obavljanje privremenih i povremenih poslova u pravosudnim institucijama Brčko distrikta BiH;
- m) Evidencija o angažovanim volonterima – svrha ove evidencije je vođenje uredne evidencije o angažovanim volonterima u pravosudnim institucijama Brčko distrikta BiH;
- n) Registar testamenata i drugih nasljednopravnih poslova – svrha ove evidencije je vođenje uredne evidencije o činjenicama da je sastavljen, pohranjen, opozvan te proglašen testament, odnosno da je sklopljen, pohranjen i opozvan/raskinut ugovor o nasljeđivanju kao i sporazum o odricanju od naslijeđa koje nije otvoreno;
- o) Evidencija o izdatim službenim legitimacijama za sudije Apelacionog suda Brčko distrikta BiH i sudije Osnovnog suda Brčko distrikta BiH – svrha ove evidencije je vođenje uredne evidencije o službenim legitimacijama koje su izdate sudijama Apelacionog i Osnovnog suda Brčko distrikta BiH.

Član 6 (Obim primjene)

- (1) Odredbe ovog pravilnika odnose se na Komisiju kao kontrolora, zaposlene ili na drugi način angažovane u Komisiji kao obrađivače, te na službene osobe koje su imenovane u komisije i druga tijela Komisije kao korisnike, u skladu s definicijama Zakona.
- (2) Podatke u zbirkama ličnih podataka iz člana 3 ovog pravilnika Komisija obrađuje u obimu koji je utvrđen u propisima koji predstavljaju pravni osnov odnosno iz kojih proizilazi osnov za vođenje ovih evidencija:
 - a) Evidencija o videonadzoru – ova evidencija vodi se na način da se vrši video snimanje svih lica koja ulaze u prostor pravosudnih institucija koji je pokriven videonadzorom i sadrži videozapis, datum, mjesto i vrijeme;
 - b) Evidencija o pruženim asistencijama – ova evidencija vodi se u formi dnevnika i sadrži podatke o imenu i prezimenu osuđenog lica koje je predmet radnje i ime i prezime postupajućeg sudskog policajca;
 - c) Evidencija o povjerenicima koji vrše neposredan nadzor nad licima kojima je izrečena krivičnopravna sankcija – rad za opšte dobro na slobodi – ova evidencija vodi se u pismenoj formi i sadrži podatke o licu koje vrši nadzor nad licem kome je izrečena kazna rada za opšte dobro na slobodi i to sljedeće podatke: ime i prezime povjerenika, JMBG, datum i mjesto rođenja, prebivalište, kontakt telefon;

- d) Evidencija o sprovođenju u kazneno-popravni zavod – ova evidencija vodi se u formi dnevnika i sadrži podatke o imenu i prezimenu osuđenog lica koje je predmet radnje i ime i prezime postupajućeg sudskog policajca;
- e) Evidencija o licima kojima je izrečena krivičnopravna sankcija rad za opšte dobro na slobodi – ova evidencija vodi se u pismenoj formi i sadrži podatke o licu kome je izrečena kazna rada za opšte dobro na slobodi i to sljedeće podatke: ime i prezime osuđenog, ime oca, JMBG, broj lične karte, datum i mjesto rođenja, prebivalište i kontakt telefon;
- f) Evidencija kandidatima upisanim na listu stalnih sudskih tumača u Brčko distriktu BiH – ova evidencija vodi se u formi dosjea i sadrži podatke o licima koja žele da steknu svojstvo stalnog sudskog tumača u Brčko distriktu BiH i to sljedeće podatke: ime i prezime, ime jednog roditelja, JMBG, datum i mjesto rođenja, prebivalište, kontakt telefon, državljanstvo, zanimanje, podatke iz kaznene evidencije i deponovani potpis;
- g) Evidencija kandidatima upisanim na listu stalnih sudskih vještaka u Brčko distriktu BiH – ova evidencija vodi se u formi dosjea i sadrži podatke o licima koja žele da steknu svojstvo stalnog sudskog vještaka u Brčko distriktu BiH i to sljedeće podatke: ime i prezime, ime jednog roditelja, JMBG, datum i mjesto rođenja, prebivalište, kontakt telefon, državljanstvo, zanimanje, podatke iz kaznene evidencije i deponovani potpis;
- h) Evidencija o dovođenju iz kazneno-popravnih zavoda – ova evidencija vodi se u formi dnevnika i sadrži podatke o imenu i prezimenu osuđenog lica koje je predmet radnje i ime i prezime postupajućeg sudskog policajca;
- i) Evidencija o dovođenju s adrese – ova evidencija vodi se u formi dnevnika i sadrži podatke o imenu i prezimenu lica koje je predmet radnje i ime i prezime postupajućeg sudskog policajca;
- j) Personalna evidencija – ova evidencija vodi se u formi personalnog dosjea i sadrži podatke o licima zaposlenim u pravosuđu Brčko distrikta BiH, na način da Odjeljak A personalnog dosjea – sadrži lične dokumente zaposlenika, Odjeljak B personalnog dosjea – sadrži dokumente o radnom odnosu, zvanju i plati zaposlenika, Odjeljak C personalnog dosjea – sadrži dokumente o godišnjem odmoru, plaćenom i neplaćenom odsustvu, Odjeljak D personalnog dosjea – sadrži podatke o ocjenjivanju, nagrađivanju, odlikovanju i kažnjavanju zaposlenika i Odjeljak E personalnog dosjea – sadrži podatke o socijalnom osiguranju i pravima iz socijalnog osiguranja;
- k) Evidencija o uvidu u personalni dosje zaposlenika – ova evidencija vodi se elektronski, u formi tabelarnog prikaza i sadrži podatke o licima koja su izvršila uvid u personalni dosje zaposlenika i to sljedeće podatke: redni broj uvida, ime i prezime, dokument koji je predmet uvida, datum uvida ili preuzimanja u slučajevima kada se dokument izdaje radi fotokopiranja i potpis;
- l) Evidencija o angažovanim izvršiocima za obavljanje privremenih i povremenih poslova – ova evidencija vodi se elektronski na za to propisanom obrascu koji ima formu tabelarnog prikaza i sadrži podatke o angažovanim izvršiocima za obavljanje privremenih i povremenih poslova i to sljedeće podatke: redni broj, ime i prezime izvršioca poslova, pravosudna institucija u kojoj se obavljaju privremeni i povremeni poslovi, popis poslova radi kojih je izvršilac angažovan, vrijeme na koje je izvršilac angažovan od-do, dnevno radno vrijeme (sati), ugovorena naknada za rad, broj ugovora i datum zaključivanja ugovora;
- m) Evidencija o angažovanim volonterima – ova evidencija vodi se elektronski na za to propisanom obrascu koji ima formu tabelarnog prikaza i sadrži podatke o angažovanim volonterima u pravosuđu Brčko distrikta BiH i to sljedeće podatke: redni broj, ime i prezime, pravosudna institucija u kojoj se obavlja volonterski rad, radno mjesto na koje je izvršilac raspoređen, vrijeme obavljanja
- n) Registar testamenta i drugih nasljednopravnih poslova – ova evidencija vodi se u formi knjige Registra koja se sastoji od tri upisnika prema vrsti nasljednopravnog posla o kome se činjenice evidentiraju, pa tako Upisnik testamenta – R1 sadrži podatke o testamentima i to sljedeće podatke: redni broj upisa, datum upisa, oznaka predmeta, podaci o zavjestaocu, podaci o testamentu, izjava svjedoka usmenog testamenta, vraćanje testamenta, opoziv testamenta, proglašavanje testamenta, rubrika napomena i podaci o naknadi, Upisnik ugovora o nasljeđivanju – R2 sadrži podatke o ugovorima o nasljeđivanju i to sljedeće podatke: redni broj, datum upisa u Registar, oznaka predmeta, podaci o ugovornoj strani 1, podaci o ugovornoj strani 2, podaci o ugovoru, prestanak ugovora, rubrika napomena i podaci o naknadi, Upisnik sporazuma o odricanju od nasljeđa koje nije otvoreno – R3 sadrži podatke o sporazumima o odricanju od nasljeđa koje nije otvoreno i to sljedeće podatke: redni broj, datum upisa u Registar, oznaka predmeta, podaci o pretku, podaci o potomku, podaci o ugovoru, prestanak ugovora, rubrika napomena i podaci o naknadi;
- o) Evidencija o izdatim službenim legitimacijama za sudije Apelacionog suda Brčko distrikta BiH i sudije Osnovnog suda Brčko distrikta BiH - ova evidencija vodi se elektronski, u formi tabelarnog prikaza i sadrži podatke o izdatim legitimacijama i podatke o sudijama Apelacionog i Osnovnog suda i to: serijski broj legitimacije, ime i prezime sudije, funkcija, datum izdavanja, datum preuzimanja, odluka o izmjeni saglasno funkciji, odluka o proglašenju nevažećom, datum vraćanja i poništavanja i rubrika napomene.

Član 7

(Posebne kategorije ličnih podataka)

- (1) Saglasno zakonskom ovlaštenju, Komisija prikuplja i obrađuje posebne kategorije ličnih podataka koji se odnose na: državljanstvo, prebivalište i boravište, nacionalnu i vjersku pripadnost, JMBG, datum i mjesto rođenja, zanimanje, podatke iz kaznene evidencije, kako bi mogla da izvršava svoje nadležnosti.
- (2) Ostale posebne kategorije podataka Komisija ne prikuplja, osim u slučajevima iz člana 2 stava 3 Zakona i člana 2 ovog pravilnika.

Član 8

(Privatnost)

Lični podaci koje prikuplja i obrađuje Komisija radi izvršavanja svojih zakonskih nadležnosti koriste se tako da se u što manjoj mjeri utiče na privatni i lični život nosioca podataka.

Član 9

(Sigurnost podataka)

Tehnička zaštita ličnih podataka ostvaruje se primjenom u skladu s Planom sigurnosti ličnih podataka koji je Komisija dužna usvojiti po donošenju ovog pravilnika.

Član 10

(Tajnost podataka)

- (1) Zaposleni u Komisiji i druga službena lica imaju pristup ličnim podacima u skladu s pravilima i procedurama koje u svom radu primjenjuje Komisija.
- (2) Lični podaci za zaposlene i druga službena lica Komisije predstavljaju službenu tajnu, saglasno zakonu i isti se ne mogu davati fizičkim ili pravnim licima protivno odredbama zakona, ovog pravilnika.
- (3) Pored sankcija propisanih Zakonom, zaposleni u Komisiji odgovaraju za protivpravno odavanje ličnih podataka i disciplinski, saglasno propisima o disciplinskoj odgovornosti.

Član 11**(Rokovi za obradu podataka)**

Rokovi za obradu podataka u zbirkama ličnih podataka iz člana 3 ovog pravilnika određeni su:

- a) Evidencija o videonadzoru – podaci iz ove evidencije brišu se po isteku roka od 30 dana od dana njihovog nastanka;
- b) Evidencija o pruženim asistencijama – podaci iz ove evidencije čuvaju se trajno;
- c) Evidencija o povjerenicima koji vrše neposredan nadzor nad licima kojima je izrečena krivičnopravna sankcija – rad za opšte dobro na slobodi – podaci iz ove evidencije čuvaju se trajno;
- d) Evidencija o sprovođenju u kazneno-popravni zavod – podaci iz ove evidencije čuvaju se trajno;
- e) Evidencija o licima kojima je izrečena krivičnopravna sankcija rad za opšte dobro na slobodi – podaci iz ove evidencije čuvaju se trajno;
- f) Evidencija o kandidatima upisanim na listu stalnih sudskih tumača u Brčko distriktu BiH – podaci iz ove evidencije čuvaju se trajno;
- g) Evidencija o kandidatima upisanim na listu stalnih sudskih vještaka u Brčko distriktu BiH – podaci iz ove evidencije čuvaju se trajno;
- h) Evidencija o dovođenju iz kazneno-popravnih zavoda – podaci iz ove evidencije čuvaju se trajno;
- i) Evidencija o dovođenju s adrese – podaci iz ove evidencije čuvaju se trajno;
- j) Personalna evidencija – podaci iz ove evidencije čuvaju se trajno;
- k) Evidencija o uvidu u personalni dosje zaposlenika - podaci iz ove evidencije čuvaju se trajno;
- l) Evidencija o angažovanim izvršiocima za obavljanje privremenih i povremenih poslova – podaci iz ove evidencije čuvaju se trajno;
- m) Evidencija o angažovanim volonterima – podaci iz ove evidencije čuvaju se 5 godina;
- n) Registar testamenata i drugih nasljednopravnih poslova – podaci iz ove evidencije čuvaju se trajno;
- o) Evidencija o izdatim službenim legitimacijama za sudije Apelacionog suda Brčko distrikta BiH i sudije Osnovnog suda Brčko distrikta BiH - podaci iz ove evidencije čuvaju se trajno.

Član 12**(Prenos podataka drugim kontrolorima)**

- (1) Davanje podataka sadržanih u zbirkama ličnih podataka iz člana 3 ovog pravilnika se vrši u skladu s članom 17 Zakona, ukoliko su u pitanju javni organi i ukoliko su istima ovi podaci potrebni radi izvršavanja zakonom utvrđene nadležnosti.
- (2) Davanje podataka sadržanih u zbirkama ličnih podataka iz člana 3 ovog pravilnika korisniku koji je pravno i fizičko lice, vrši se u skladu sa Zakonom o slobodi pristupa informacijama u Bosni i Hercegovini.
- (3) Davanje podataka iz evidencije o zaposlenim i evidencije o obračunu i isplata plata vrši se institucijama, ustanovama i zavodima radi regulisanja radno-pravnog statusa kao i prava i obaveza zaposlenika.

Član 13**(Odbijanje zahtjeva trećih lica)**

Lični podaci neće se davati, odnosno objavljivati trećim licima osim kada je to zasnovano na zakonu i propisano ovim pravilnikom.

Član 14**(Posebne odredbe o odgovornosti za štetu)**

- (1) Komisija kao kontrolor dužna je nadoknaditi štetu nosiocu podataka ako mu je ona nanesena zbog povrede prava na privatnost i to ako je povreda, odnosno šteta nanesena nezakonitim radom Komisije.

DIO TREĆI – OBJAVLJIVANJE LIČNIH PODATAKA**Član 15****(Objavljivanje ličnih podataka)**

- (1) Komisija će po službenoj dužnosti ili na zahtjev bilo kog fizičkog ili pravnog lica objaviti lične podatke čije je objavljivanje izričito propisano, ili čije objavljivanje proizilazi iz prirode podataka i javnosti rada institucija, saglasno ovom pravilniku.
- (2) Lični podaci objavljuju se po službenoj dužnosti samo onda kada je objavljivanje ličnih podataka izričito propisano ili objavljivanje po službenoj dužnosti proizilazi iz prirode stvari.
- (3) Ostali lični podaci koji po odredbama ovog pravilnika podliježu objavljivanju, objavit će se samo na zahtjev, po propisanom postupku.

Član 16**(Podaci o kandidatima)**

- (1) U postupku konkursa, objavljuju se samo sljedeći lični podaci:
 - a) ime i prezime kandidata, radno mjesto na koje se prijavio i neophodni kontakt za komunikaciju;
 - b) uspjeh kandidata u pojedinim fazama javnog konkursa (ocjene – bodovi).
- (2) Podaci iz stava 1 ovog člana se objavljuju tek kada se utvrdi lista kandidata, odnosno kada kandidat bude pozvan na određeni ispit (tačka a), te kada se određeni ispit okonča i utvrde rezultati istog (tačka b).
- (3) Prije nastupanja događaja iz stava 2 ovog člana, lični podaci iz stava 1 ovog člana se ne objavljuju.
- (4) Ostali lični podaci kandidata se ne objavljuju.

DIO ČETVRTI - EVIDENCIJE**Član 17****(Evidencija o zbirkama ličnih podataka)**

- (1) Komisija vodi evidenciju o svakoj zbirci ličnih podataka iz člana 3 ovog pravilnika, u skladu s članom 13 Zakona.
- (2) Evidencija iz stava 1 ovog člana sadrži osnovne informacije o svakoj zbirci ličnih podataka i vodi se na obrascu evidencije koji je propisan Pravilnikom o načinu vođenja i obrascu evidencije o zbirkama ličnih podataka.

Član 18**(Evidencija o davanju ličnih podataka korisniku)**

Komisija vodi evidenciju o ličnim podacima koji su dati korisniku ličnih podataka i svrsi za koju su dati, u skladu s članom 17 stavom 5 Zakona.

Član 19**(Službenik zadužen za vođenje evidencija)**

Evidencije iz ovog pravilnika vodi službenik koji je ovlašten da prikuplja i obrađuje lične podatke u oblasti rada Pravosudne komisije za koju se prikupljaju podaci.

DIO PETI – ZAVRŠNE ODREDBE**Član 20****(Stupanje na snagu)**

Ovaj pravilnik stupa na snagu danom donošenja, a objavit će se u Službenom glasniku Brčko distrikta BiH.

Broj: SuPK-03-2194/19

Brčko, 20. 12. 2019. godine

**PREDSJEDNIK
PRAVOSUDNE KOMISIJE**
Safet Pizović, s. r.